

ანგარიში მხარჯავი დაწესებულების პროგრამის და

ქვეპროგრამების შესახებ

შსს სსდ - საგანგებო სიტუაციების მართვის სამსახური

კოდი 30 06

(საბიუჯეტო ორგანიზაციის დასახელება, პროგრამული კოდი)

სახელმწიფო ბიუჯეტის პრიორიტეტი, რომლის ფარგლებშიც ხორციელდება პროგრამა: თავდაცვა, საზოგადოებრივი წესრიგი და უსაფრთხოება.

პროგრამის დასახელება და პროგრამული კოდი: სამოქალაქო უსაფრთხოების დონის ამაღლება, სახელმწიფო მატერიალური რეზერვების შექმნა და მართვა (30 06)

პროგრამის განმახორციელებელი: საქართველოს შინაგან საქმეთა სამინისტროს სახელმწიფო საქვეუწყებო დაწესებულება - საგანგებო სიტუაციების მართვის სამსახური და სამსახურის მმართველობის სფეროში მოქმედი საჯარო სამართლის იურიდიული პირი – სახელმწიფო რეზერვებისა და სამოქალაქო უსაფრთხოების სერვისების სააგენტო

ათას ლარებში

პროგრამის კოდი	დასახელება	წლიური დამტკიცებული მოცულობა	წლიური დაზუსტებული მოცულობა	საანგარიშო პერიოდის საკასო შესრულება	საკასო შესრულების % წლიური დაზუსტებულ გეგმასთან მიმართებაში	საკუთარი სახსრებიდან მიმართული თანხები (ასეთის არსებობის შემთხვევაში)
30 06	სამოქალაქო უსაფრთხოების დონის ამაღლება, სახელმწიფო მატერიალური რეზერვების შექმნა და მართვა	125540	133347.9	31218.1	23.4%	15601.8
30 06 01	სამოქალაქო უსაფრთხოების დონის ამაღლება	123875	123875	30815.2	24.9%	
30 06 01	სამოქალაქო უსაფრთხოების დონის ამაღლება (ცულობის გრანტი)		247.9	18.9	7.6%	
30 06 02	მატერიალური რეზერვების შექმნა და მართვა	1665	9225	384	4.2%	15601.8

საანგარიშო პერიოდში პროგრამის ფარგლებში განხორციელებული ღონისძიებების მოკლე აღწერა:

1. ღონისძიების დასახელება: ქვეყანაში სამოქალაქო უსაფრთხოების დონის ამაღლება;

1.1 შეფასების ინდიკატორი: ინციდენტებზე/საგანგებო სიტუაციებზე რეაგირების ხარისხის გაუმჯობესება.

- საანგარიშო პერიოდში 22 223 ბუნებრივ, ტექნოგენურ და სხვა საგანგებო სიტუაციაზე განხორციელდა შესაბამისი რეაგირება, მათ შორის იყო ხანძრები/აფეთქებები/აფეთქების საფრთხეები, ავარიები ქიმიურად საშიში ნივთიერებების გაჟონვით ან გაჟონვის საშიშროებით, ავარიები ელექტრო-ენერგეტიკულ სისტემებში, შენობების/ნაგებობების/ქანების მოულოდნელი ჩამოქცევა, სახიფათო გეოფიზიკური და გეოლოგიური მოვლენები, სამთო და წყალზე სამაშველო ღონისძიებები და სხვა;

- ინციდენტზე/საგანგებო სიტუაციებზე პირველი დანაყოფის გამოძახების ადგილზე მისვლის დრო ქალაქისა და დაბის დასახლების ტერიტორიაზე არ აღემატება 10 წუთს, ხოლო სოფლის დასახლებაში – 20 წუთს;

- ინციდენტზე/საგანგებო სიტუაციებზე დროული რეაგირების განხორციელების მიზნით, სამსახური მუდმივ რეჟიმში ახორციელებს კომპიუტერული ტექნიკის, საკომუნიკაციო ქსელის, სატელეფონო და რადიო კავშირების, ვიდეო რეგისტრატორების, ვიდეო-სამეთვალყურეო და სატელევიზიო სისტემების გამართულ მუშაობის უზრუნველყოფას.

- საანგარიშო პერიოდში სამოქალაქო უსაფრთხოების სფეროში საგანგებო მართვის გეგმების მომზადების საკითხებზე, კონსულტაციები გაეწიათ და სამსახურის მიერ შეთანხმებულ იქნა 48 საგანმანათლებლო დაწესებულების და ორგანიზაციის საგანგებო მართვის გეგმები;

- სამსახურის კოორდინაციით შემუშავდა და მუნიციპალიტეტის მიერ დამტკიცებულ იქნა ონის მუნიციპალიტეტის უსაფრთხოების პასპორტი;

- მიმდინარე წლის თებერვლის თვეში და მარტის თვის დასაწყისში გურიის, იმერეთის და სამეგრელო-ზემო სვანეთის რეგიონში დიდთოვლობის შედეგების სამაშველო-სალიკვიდაციო ღონისძიებების განსახორციელებლად შეიქმნა საგანგებო შტაბი. სამსახურმა განახორციელა 500-მდე მეხანძრე-მაშველის ადგილზე მობილიზაცია, რომლებიც აქტიურად იყვნენ ჩართულნი სამაშველო და სტიქიის შედეგების სალიკვიდაციო ღონისძიებებში;

- მოსახლეობის ცნობიერების ამაღლების მიზნით, სამოქალაქო უსაფრთხოების ორგანიზებისა და საგანგებო სიტუაციებში ქცევის წესების საკითხებზე თეორიული სწავლება ჩატარდა 8 საჯარო სკოლას, მათ შორის აღნიშნული სკოლების 5 სსმ მოსწავლეს;

- საანგარიშო პერიოდში, ადრეული შეტყობინების სისტემის არქიტექტურასთან დაკავშირებული სპეციფიკური საკითხების განხილვის მიზნით, ეროვნული უსაფრთხოების აპარატში მიმდინარეობდა თემატური შეხვედრები;

- ინდივიდუალური შემთხვევის ანალიზის და პირადი შემადგენლობის ფსიქო - ემოციური ფონის მონიტორინგის, მხარდაჭერის და საჭიროებების გამოკვეთის მიზნით საანგარიშო პერიოდში სამსახურის პირად შემადგენლობასთან მიმდინარეობდა ფსიქოლოგის შეხვედრები;

- ოზურგეთის და ჩოხატაურის მუნიციპალიტეტში, მუნიციპალური საგანგებო მართვის გეგმების პროექტის მომზადების, უფლებამოსილი პირების სწავლების და მოხალისეობის სისტემის გაცნობის მიზნით, საანგარიშო პერიოდში ჩატარდა შეხვედრა მუნიციპალიტეტის წარმომადგენლებთან და მოხალისეობის მსურველ კანდიდატებთან. ასევე, ჩატარდა სწავლება სამოქალაქო უსაფრთხოების მიმართულებით და მოეწყო სპეციალური ტექნიკისა და აღჭურვილობის გამოფენა;

- „პროდუქტის უსაფრთხოებისა და თავისუფალი მიმოქცევის კოდექსში“ განხორციელებული ცვლილებების შესაბამისად პიროტექნიკური ნაწარმის იმპორტი და ექსპორტი დაექვემდებარა ნებართვას, ხოლო წარმოება და რეალიზაცია ლიცენზიას. აქვე უნდა აღინიშნოს, რომ საქართველოში ფიზიკური/იურიდიული პირისთვის პიროტექნიკური ნაწარმის იმპორტის/ექსპორტის ნებართვის, პიროტექნიკური ნაწარმის წარმოების/რეალიზაციის ლიცენზიის გაცემისა და სანებართვო/სალიცენზიო პირობების შესრულების კონტროლის ფუნქცია დაემატა სსიპ - სახელმწიფო რეზერვებისა და სამოქალაქო უსაფრთხოების სერვისების სააგენტოს. შესაბამისად აღნიშნული ფუნქცია-მოვალეობის ჯეროვნად შესრულების მიზნით, სამსახურის მიერ შემუშავებული და მიღებული იქნა შემდეგი სამართლებრივი აქტები:

- „პიროტექნიკური ნაწარმის იმპორტის, ექსპორტის, წარმოების ან/და რეალიზაციის ნებართვის/ლიცენზიის გაცემის წესისა და პირობების დამტკიცების თაობაზე“ საქართველოს მთავრობის 2025 წლის 28 მარტის N94 დადგენილება.

- „ტექნიკური რეგლამენტი - პიროტექნიკური ნაწარმის ბაზარზე განთავსების წესისა და პირობების განსაზღვრის შესახებ“ საქართველოს მთავრობის 2025 წლის 28 მარტის N93 დადგენილება;

- "საქართველოს შინაგან საქმეთა სამინისტროს მმართველობის სფეროში შემაჯალი სახელმწიფო საქვეუწყებო დაწესებულების - საგანგებო სიტუაციების მართვის სამსახურის მმართველობის სფეროში მოქმედი საჯარო სამართლის იურიდიული პირის - სახელმწიფო რეზერვებისა და სამოქალაქო უსაფრთხოების სერვისების სააგენტოს მიერ სამოქალაქო უსაფრთხოების სფეროში

გასაწევი სახელმწიფო მომსახურების სახეებისა და საფასურის განსაზღვრის წესის დამტკიცების შესახებ" საქართველოს მთავრობის 2022 წლის 10 ივნისის N 308 დადგენილებაში ცვლილების შეტანის თაობაზე“ საქართველოს მთავრობის 2025 წლის 28 მარტის N92 დადგენილება;

- ინციდენტებზე/საგანგებო სიტუაციებზე რეაგირების ხარისხის გაუმჯობესების მიზნით, სამსახურის მოსამსახურეებმა მონაწილეობა მიიღეს შემდეგ სწავლება/ტრენინგებში:

- ქალაქ ბათუმში გემთწამყვანის კურსებში;
- მაღალი წარმადობის წყლის საქაჩი ტუმბოების მოხმარებასა და ექსპლუატაციის გაწევის საკითხებთან დაკავშირებულ სწავლებაში;
- ქ. ობერამერგაუ (გერმანიის ფედერაციული რესპუბლიკა) ნატოს სკოლაში გამართულ - "ნატოს ქბრბ უსაფრთხოების საორიენტაციო კურსში" (NATO CBRN Defence Orientation Course" (M3-70-A-25) და "ნატოს ქბრბ შეტყობინებისა და აღწერის სისტემის / NATO CBRN Warning and Reporting System - Manual Procedures Course (P3-71-A-25)" სწავლებაში;
- ქ. ჰანოვერში (გერმანიის ფედერაციული რესპუბლიკა), გერმანიის ტექნიკური დახმარების ფედერალური სამსახურის მიერ ჩატარებულ მოდულების სამაგიდე სწავლებაში - „ModTTX3“;
- დაბა გუდაურში ავსტრიის რესპუბლიკის შინაგან საქმეთა სამინისტროსა და საქართველოს შინაგან საქმეთა სამინისტროს შორის არსებული ორმხრივი თანამშრომლობის ფარგლებში, ავსტრიელი ინსტრუქტორების მიერ ჩატარებულ სამთო - სამაშველო მიმართულებით სწავლებაში;
- ევროკავშირის სამოქალაქო უსაფრთხოების მექანიზმის გაცნობის მიზნით, ქ. მადრიდში (ესპანეთის სამეფო) გამართულ ოპერაციული ინტეგრაციის კურსში;
- „სამხრეთ აღმოსავლეთი და აღმოსავლეთი ევროპის (SEEE) რეგიონში წინა ხაზის ბიოუსაფრთხოებისა და ბიოდაცულობის ზომების გაძლიერება (P100)" ფარგლებში, უკრაინის მეცნიერებისა და ტექნოლოგიების ცენტრის (STCU) ორგანიზებით ჩატარებულ ტრენინგში;
- ტყის მასივებში კვამლის და ხანძრის დეტექციის ავტომატიზირებული სისტემის შესწავლის ტრენინგში;

1.2 შეფასების ინდიკატორი: ინციდენტების/საგანგებო სიტუაციების პრევენციის მიზნით სახელმწიფო სახანძრო ზედამხედველობის მიმართულებით განხორციელებული აქტივობების რაოდენობა.

- საანგარიშო პერიოდში სახანძრო-ტექნიკური შემოწმება ჩაუტარდა 286 ობიექტს, კერძოდ:
 - დეტალური სახანძრო-ტექნიკური შემოწმება ჩაუტარდა ზედამხედველობას დაქვემდებარებულ 79 ობიექტს;
 - მიზნობრივი სახანძრო-ტექნიკური შემოწმება (გამოკვლევა) ჩაუტარდა ზედამხედველობას დაქვემდებარებულ 57 ობიექტს;
 - სახანძრო უსაფრთხოების სფეროს მარეგულირებელ ნორმებთან, ტექნიკურ რეგლამენტთან ან/და სტანდარტებთან შესაბამისობა (შეუსაბამობა) დაუდგინდა 83 ობიექტს;
 - ხანძარსაწინააღმდეგო დაცვის მოწყობილობებისა და სისტემების გამოცდა განხორციელდა 60 (ორმოცდაჩვიდმეტი) ობიექტზე;
 - შენობა-ნაგებობის სახანძრო-ტექნიკური შემოწმება სახანძრო უსაფრთხოების ზომების მომზადების მიზნით განხორციელდა 7 ობიექტზე;
- საანგარიშო პერიოდში სახელმწიფო სახანძრო ზედამხედველობას დაქვემდებარებულ საკითხებთან დაკავშირებით სამსახურის მიერ მომზადდა და გაიგზავნა 655 კორესპონდენცია, კერძოდ:
 - მიწის ნაკვეთზე შენობის სამშენებლოდ გამოყენების პირობების დადგენის შესახებ (პირველი სტადიის) შემოსული დაპროექტების დოკუმენტების განხილვის შედეგად მომზადდა და გაიგზავნა 188 რეკომენდაცია;

- შენობა-ნაგებობების არქიტექტურული პროექტის სახანძრო უსაფრთხოების მარეგულირებელ ნორმებთან, ტექნიკურ რეგლამენტებთან ან/და სტანდარტებთან შესაბამისობის დადგენის თაობაზე (მეორე სტადია) შემოსული დაპროექტების დოკუმენტაციის განხილვის შედეგად მომზადდა და გაიგზავნა 342 რეკომენდაცია, მათ შორის არქიტექტურული პროექტის სახანძრო უსაფრთხოების მარეგულირებელ ნორმებთან, ტექნიკურ რეგლამენტებთან ან/და სტანდარტებთან შესაბამისობის დადგენის თაობაზე დადებითი პასუხი გაეცა 77 დაპროექტების დოკუმენტზე;
 - სახანძრო უსაფრთხოების მოთხოვნების თაობაზე მოქალაქეებისა და ორგანიზაციებისგან შემოსულ წერილებზე მომზადებული იქნა 23 საპასუხო წერილი;
 - სამსახურის სისტემაში შემოსულ 102 დაპროექტების დოკუმენტაციაზე მომზადდა შენიშვნა-წინადადებები, მათ შორის სახანძრო უსაფრთხოების მარეგულირებელ ნორმებთან, ტექნიკურ რეგლამენტთან ან/და სტანდარტებთან შესაბამისობის დადგენის თაობაზე დადებითი პასუხი გაეცა 46 დაპროექტების დოკუმენტზე;
- სახანძრო ზედამხედველობის მიმართულებით მოქმედი ცხელი ხაზის საშუალებით მიმდინარეობდა შეხვედრების ორგანიზება და კონსულტაციების გაწევა დაინტერესებული პირებისათვის/ორგანიზაციებისათვის. საანგარიშო პერიოდში განხორციელდა 150-ზე მეტი ზარი. ასევე, გაიმართა 107 საკონსულტაციო შეხვედრა;
 - ინციდენტების/საგანგებო სიტუაციების გამომწვევ ფაქტორების პრევენციის მიზნით, სამსახურის მიერ განხილულ იქნა დარგობრივი საკანონმდებლო აქტები და გაიცა შესაბამისი რეკომენდაციები;

1.3 შეფასების ინდიკატორი: საერთაშორისო სამიეზო-სამაშველო მრჩეველთა ჯგუფის (INSARAG) კლასიფიკაციის მინიჭება.

- საერთაშორისო სამიეზო - სამაშველო მრჩეველთა ჯგუფის (INSARAG) მიერ ჰუმანიტარული კვირეულის ფარგლებში გაიმართა მმართველი კომიტეტის შეხვედრა. შეხვედრაზე განხილული იქნა კლასიფიკაციის და თანამშრომლობის სხვადასხვა საკითხი.
- INSARAG-ის კლასიფიკაციის მისაღებად სსიპ - სახელმწიფო რეზერვებისა და სამოქალაქო უსაფრთხოების სერვისების სააგენტოს მიერ სამსახურის ზოგიერთ მოსამსახურეს ჩაუტარდა მსუბუქი სამაშველო ჯგუფის სწავლება;

1.4 შეფასების ინდიკატორი: სამოქალაქო უსაფრთხოების საკითხებში მომზადებული/გადამზადებული სამსახურის მოსამსახურეები.

- შემუშავებულია „სწავლებისა და შეფასების სისტემის წესი“-ში და „მსმენელის ქცევის წესი“-ში შესატანი ცვლილებების პროექტები;
- მომზადებული/გადამზადებულია საგანგებო სიტუაციების მართვის სამსახურის 42 მოსამსახურე;

2. ღონისძიების დასახელება: საგანგებო სიტუაციების მართვის სფეროში ტექნოლოგიების განვითარება;

2.1 შეფასების ინდიკატორი: საგანგებო სიტუაციების მართვის სამსახურში თანამედროვე ტექნოლოგიების გამოყენების გაზრდილი მაჩვენებელი.

eFss - სახანძრო უსაფრთხოების ზედამხედველობის ელექტრონული სისტემა

eFss - სახანძრო უსაფრთხოების ზედამხედველობის ელექტრონულ სისტემაში განხორციელდა:

- აღმოჩენილი ხარვეზების გასწორება;
- მონაცემთა ბაზის და ატვირთული დოკუმენტების მექანიკური სარეზერვო ასლის გაკეთება;
- საზედამხედველო ობიექტების საერთო ბაზის მომზადება წლიურის მონაცემთა ცვლილებებისთვის;
- სახანძრო-სამაშველო ძალების დეპარტამენტის თანამშრომლების ინტეგრაცია;
- დეტალური/მიზნობრივი სახანძრო ტექნიკური შემოწმების ფორმის ცვლილება.

eFris - სახანძრო და სამაშველო ოპერაციების მართვის საინფორმაციო სისტემა

საანგარიშო პერიოდში განხორციელდა:

- efris.es.gov.ge-ს ტექნიკური მხარდაჭერა და აღმოჩენილი ხარვეზების გასწორება;
- efris.es.gov.ge-ს ახალ სერვერზე გადატანა/მიგრაცია

სხვა პროგრამული უზრუნველყოფის დონისძიებები

ა. maps.es.gov.ge - ინტერაქტიული რუკა

საანგარიშო პერიოდში:

- ინტერაქტიულ რუკაზე - maps.es.gov.ge რეგულარულად ხდებოდა სახანძრო ჰიდრანტების მონაცემების განახლება;
- მიმდინარეობდა ტექნიკური მხარდაჭერა და აღმოჩენილი ხარვეზების გასწორება..

ბ. hydrants.es.gov.ge - სახანძრო ჰიდრანტების ელექტრონული რუკა

საანგარიშო პერიოდში:

- ელექტრონული რუკაზე - hydrants.es.gov.ge რეგულარულად ხდებოდა სახანძრო ჰიდრანტების მონაცემების განახლება;
- მიმდინარეობს ქ. თბილისში მდებარე ჰიდრანტების დაყოფა რაიონებად;
- მიმდინარეობდა ტექნიკური მხარდაჭერა და აღმოჩენილი ხარვეზების გასწორება.

გ. incidents.es.gov.ge - ინციდენტების აღრიცხვისა და ანალიზის პორტალი

საანგარიშო პერიოდში:

- განხორციელდა ახალ სერვერზე გადატანა/მიგრაცია;
- მიმდინარეობს სტატისტიკის მოდულზე მუშაობა;
- რეგულარულად მიმდინარეობდა ტექნიკური მხარდაჭერა და აღმოჩენილი ხარვეზების გასწორება.

დ. სსიპ-სახელმწიფო რეზერვებისა და სამოქალაქო უსაფრთხოების სერვისების სააგენტოს ელექტრონული პლატფორმა

საანგარიშო პერიოდში განხორციელდა:

- მართვის პანელში სერვისების მოდელში ცვლილებების შეტანა;
- ახალი სერვისების ფორმების ანალიზი და არქიტექტურა.

3. ღონისძიების დასახელება: მეხანძრე-მაშველთა თანამედროვე მატერიალურ-ტექნიკური ბაზით უზრუნველყოფა, სახანძრო-სამაშველო სპეციალური ავტოტრანსპორტის და ინფრასტრუქტურის განახლება/მოდერნიზაცია.

შეფასების ინდიკატორი: განახლებული მატერიალურ-ტექნიკური ბაზა

- ინციდენტზე/საგანგებო სიტუაციებზე დროული რეაგირების განხორციელების მიზნით, სამსახურის მიერ შესყიდულ იქნა სხვადასხვა ტიპის ხელის რადიოსადგურების და საავიაციო სტანდარტების სიხშირეების პორტატული რადიოსადგურები, ხოლო პორტატული ელექტროსადგურისა და სტაციონალური რადიოსადგურების შესასყიდად მომზადდა ტექნიკური დოკუმენტაცია, გამოცხადდა ელექტრონული ტენდერი და გაფორმდა შესაბამისი ხელშეკრულებები;
- საანგარიშო პერიოდში შეძენილ იქნა ტყის ხანძრებისთვის განკუთვნილი ახალი მაღალი გამავლობის ავტოსატრანსპორტო საშუალებების აღჭურვილობის ნაწილი (მაღაყინის, ბაგორის, სახანძრო ცულისა და სამმუხლა კიბის) და მოცურების საწინააღმდეგო ჯაჭვები;
- ასევე, ტყის ხანძრებისათვის განკუთვნილი ახალი მაღალი გამავლობის ავტოსატრანსპორტო საშუალებების აღჭურვილობის ნაწილის (სახელოები, ლულები, ჰაერმექანიკური ქაფის გენერატორის, სამკაპას, წყლის ასაღები სვეტის, სახელოს გადამყვანისა და მომჭერის, სახანძრო სახელოზე გადასასვლელი რეზინის მასალის ხიდისა და სარეცხრი მოწყობილობის) შესყიდვის მიზნით მომზადდა შესაბამისი ტექნიკური დოკუმენტაცია და გამოცხადდა ელექტრონული ტენდერი, რომლის ფარგლებშიც გაფორმდა ხელშეკრულება და ავანსის სახით მომწოდებელ კომპანიას ჩაერიცხა სახელშეკრულებო ღირებულების 50%;
- საანგარიშო პერიოდში შეძენილ მეხანძრე-მაშველებისათვის ზამთრის და ყოველდღიური ფეხსაცმელი, ასევე ოპერატორების მაისურები და მაშველის ხელთათმანები;
- საანგარიშო პერიოდში შეძენილ იქნა სახანძრო ქაფი;
- ახალი სახანძრო-სამაშველო შენობის მოსაწყობად შეძენილ იქნა სხვადასხვა დასახელების ავეჯი და სპორტული ინვენტარი;
- საგანგებო სიტუაციებზე რეაგირებისას შტაბის მოსაწყობად, ასევე სხვადასხვა სწავლებების უზრუნველსაყოფად სამსახურის მიერ შეძენილ იქნა 10 ერთეული კარავი, შესაბამისი ტატამითა და გაგრილების სისტემებით;

4. ღონისძიების დასახელება: სახანძრო-სამაშველო სპეციალური ავტოტრანსპორტის განახლება/მოდერნიზაცია:

4.1 შეფასების ინდიკატორი: განახლებული ავტოპარკი

- 30 ერთეული სახანძრო-სამაშველო ავტომანქანის შესაძენად 2024 წელს მომზადდა შესაბამისი ტექნიკური დოკუმენტაცია და გამოცხადდა ელექტრონული ტენდერი, რომლის ფარგლებშიც გაფორმდა ხელშეკრულება. ამ ეტაპზე მოწოდებულია 5 ერთეული სახანძრო-სამაშველო ავტომანქანა, ხოლო დანარჩენის მოწოდება იგეგმება 2024 წლის მე-2 კვ-ს ბოლომდე;
- სახანძრო მუხლიანი კიბის (კალათით) შესაძენად მომზადდა შესაბამისი ტექნიკური დოკუმენტაცია და გამოცხადდა ელექტრონული ტენდერი, რომლის ფარგლებშიც გაფორმდა ხელშეკრულება და ავანსის სახით მომწოდებელ კომპანიას ჩაერიცხა სახელშეკრულებო ღირებულების 80%. სახანძრო მუხლიანი კიბის (კალათით) მოწოდება დაგეგნილია 2026 წელს.

4.2 შეფასების ინდიკატორი: განახლებული სამთო-სამაშველო ავტოპარკი

- სამთო-სამაშველო ღონისძიებების განსახორციელებლად სამსახურის მიერ საანგარიშო პერიოდში შეძენილ იქნა 3 ერთეული თოვლმავალი;

4.3 შეფასების ინდიკატორი: განახლებული წყალზე სამაშველო ავტოპარკი

- წყალზე სამაშველო ღონისძიებების განსახორციელებლად სამსახურის მიერ საანგარიშო პერიოდში შეძენილ იქნა საჯომარდო ნავი;

5. ღონისძიების დასახელება: სახანძრო-სამაშველო ობიექტების ინფრასტრუქტურის განახლება/მოდერნიზაცია:

შეფასების ინდიკატორი: გაუმჯობესებული ინფრასტრუქტურა

- ქ. ფოთში, ხევსურთ-სოფელში და აფენში საანგარიშო პერიოდში დაიწყო ფარდულების დემონტაჟის და ახალი ავტოფარეხების რეკონსტრუქციისა და მშენებლობის სამუშაოები, რომლის დასრულებაც იგეგმება 2025 წლის მეორე კვარტლის ბოლომდე;
- სახანძრო-სამაშველო დანაყოფების გამართული ფუნქციონირებისათვის ინფრასტრუქტურული პრობლემების აღმოსაფხვრელად განთავსდა საოფისე და საყოფაცხოვრებო დანიშნულების სენდივიჩ-პანელის კონსტრუქციის 48 ერთეული კონტეინერი;
- მეხანძრე-მაშველთა ფიზიკური ფორმის შენარჩუნების მიზნით, განახლდა სტადიონის სამშენებლო სამუშაოები;
- საანგარიშო პერიოდში დაიწყო ვოლიერების სამშენებლო სამუშაოები;
- აქტიურად მიმდინარეობდა სამსახურის დანაყოფების შენობა-ნაგებობების იერსახის შენარჩუნების მიზნით მათი მიმდინარე სარემონტო სამუშაოები;

6. ღონისძიების დასახელება: სამოქალაქო უსაფრთხოების სფეროში სახელმწიფო მომსახურების განვითარება:

6.1 შეფასების ინდიკატორი: სამოქალაქო უსაფრთხოების სფეროში გაწეული მომსახურებების რაოდენობა.

- საანგარიშო პერიოდში გაფორმდა 442 ხელშეკრულება სამოქალაქო უსაფრთხოების სფეროში არსებული სერვისების გაწევის მიზნით, საიდანაც უკვე შესრულებულია 436 ხელშეკრულება. აღნიშნული ხელშეკრულებები მოიცავს ისეთი მომსახურების გაწევას როგორიცაა: სახანძრო ტექნიკური შემოწმების ჩატარება და შესაბამისი რეკომენდაციების შემუშავება; სახანძრო უსაფრთხოების საკითხებზე სპეციალისტის კონსულტაცია; საგანგებო სიტუაციებისაგან მოსახლეობისა და ტერიტორიის დაცვის საკითხებზე სპეციალისტის კონსულტაცია; შენობა-ნაგებობის სახანძრო უსაფრთხოების სფეროს მარეგულირებელ ნორმებთან, ტექნიკურ რეგლამენტებთან ან/და სტანდარტებთან შესაბამისობის დადგენა და შესაბამისი წინადადებების მომზადება; სამშენებლო დოკუმენტაციის სახანძრო უსაფრთხოების სფეროს მარეგულირებელ ნორმებთან, ტექნიკურ რეგლამენტებთან ან/და სტანდარტებთან შესაბამისობის დადგენა და შესაბამისი წინადადებების მომზადება; ობიექტის ხანძარსაწინააღმდეგო დაცვის მოწყობილობებისა და სისტემების გამოცდა სათანადო აქტის გაფორმებით; შენობა-ნაგებობის საევაკუაციო გეგმის შემუშავება; ცეცხლსაშიში სამუშაოების, მასობრივი, სანახაობრივი, სპორტული ან/და სხვა ღონისძიებების ჩატარების დროს (გარდა უშუალოდ სახელმწიფოს მიერ

ორგანიზებული საზოგადოებრივი, პოლიტიკური, საქველმოქმედო ღონისძიებებისა, როდესაც მომსახურება უსასყიდლოდ გაიწევა), აგრეთვე ფილმის, რეკლამის ან კლიპის გადაღებისას სახანძრო/სამაშველო, საავარიო/სამაშველო ტექნიკით ან/და ეკიპაჟით მომსახურება, სახანძრო/სამაშველო, საავარიო/სამაშველო ავტოტექნიკის თხოვება; ორგანიზაციებსა და დაწესებულებებში სიმულაციური განგაშის ორგანიზება და ჩატარება სახანძრო/სამაშველო ტექნიკის გამოყენებით. ამასთან, ამ ხელშეკრულებების ფარგლებში მიღებული შემოსავლები მეტწილად ხმარდება სამსხურის განვითარებას;

6.2 შეფასების ინდიკატორი: სამოქალაქო უსაფრთხოების სფეროში გაწეული მომსახურებების რაოდენობა - სერვისების განვითარების მოკლევადიანი და გრძელვადიანი ხედვა.

- დაწყებულია მუშაობა სერვისების განვითარების მოკლევადიანი და გრძელვადიანი ხედვისა და სამოქმედო გეგმის შესამუშავებლად;
- მიმდინარეობს მუშაობა სერვისების განაცხადების ელექტრონული წარმოების უზრუნველსაყოფად სპეციალური პროგრამისა და პლატფორმის შესაქმნელად.

7. ღონისძიების დასახელება: სახელმწიფო მატერიალური რეზერვების შექმნა და მართვა.

7.1 შეფასების ინდიკატორი: სახელმწიფო რეზერვების მიმართულებით შემუშავებული ნორმატიული ბაზა.

- შემუშავებულია და განსაკუთრებული სახელმწიფოებრივი მნიშვნელობის ობიექტებში შესათანხმებლად გაგზავნილია „საქართველოს სახელმწიფო მატერიალური რეზერვების ობიექტების, როგორც განსაკუთრებული სახელმწიფოებრივი მნიშვნელობის ობიექტების, აგრეთვე სახელმწიფო მატერიალური რეზერვების სისტემაში დასაგროვებელი მატერიალური ფასეულობების ნუსხის დამტკიცების შესახებ“ საქართველოს მთავრობის დადგენილების პროექტი და „საქართველოს სახელმწიფო რეზერვის მატერიალურ ფასეულობათა ნომენკლატურის და დაგროვების ოდენობის დამტკიცების შესახებ“ საქართველოს მთავრობის დადგენილების პროექტი;

7.2 შეფასების ინდიკატორი: სახელმწიფო რეზერვების ბაზის განახლება და შევსება.

- საპასუხისმგებლო შენახვაზე არსებული მატერიალური ფასეულობის განახლება რეგულარულად ხდება პასუხისმგებელი შემნახველის მიერ.